

御批歷代通鑑輯覽卷之七十一

五季

宋太祖開寶七年以前附

己周顯德六年六月恭帝宗未訓立是歲凡五國三鎮

春正月周命王朴作律準定

大樂

初有司將立正仗宿設

前一夕設之也

樂縣于殿庭周主觀之

見鐘磬有設而不擊者問樂工皆不能對乃命竇儼討

論古今考正雅樂以王朴素曉音律詢之朴具疏以對

疏曰禮以檢形樂以治心形順于外心和于內然而天下不治者未之有也夫樂生于人心而聲成于物物聲

既成復能感人之心昔黃帝吹九寸之管得黃鐘正聲半之為清聲倍之為緩聲三分損益之以生十二律旋

相為宮以生七調為一均凡十二均八十四調而大備遭秦滅學歷代不能用之唐祖孝孫考正大樂其法始

備安史之亂十八人九至于黃巢蕩盡無遺時有博士殷盈孫鑄鍾十二編鍾二百四十處士蕭承訓校定

石磬。今之在縣者是也。雖有鐘磬之狀，殊無相應之和。其鋪鐘不問音律，但循環而擊，編鐘編磬，徒懸而已。絲竹匏土，僅有七聲。黃鍾之宮，止存一調。蓋樂之缺壞，無甚于今。陛下臨視樂縣，知其亡失，以臣嘗學律呂，宣示古今樂錄，命臣討論，乃依古法以秬黍用羊頭山臣雖不敏，敢不奉詔。乃依古法以秬黍秬黍中者定尺一黍為分，十黍為寸，十寸為尺。長九寸，徑三分，為黃鍾之管。與今黃鍾之聲相應，因而推之，得十二律管。眾管互吹，用聲不便，乃作律準，十有三絃，其長九尺。朱子曰：京房始作律準，有三絃。一絃是全律。考律準中央一絃，下畫分寸，以為六十律清濁之節。故曰全律。皆應黃鍾之聲，以次設柱為十一律。第八絃為林鍾，第三絃為太姑洗，第十二絃為應鍾，第七絃為蕤賓，第二絃為大呂，第九絃為夷則，第四絃為夾鍾，第十一絃為無射，第六絃為仲呂，及黃鍾清聲。第十三絃為黃鍾之清聲。旋用七律，以為一均。律中調之為均之主者，宮也。徵、商、羽、角、變宮、變徵次焉。發

其均主之聲歸乎本音之律。迭應不亂。乃成其調。凡八十四調。歌奏之曲出焉。朴又言。此法久絕。出臣獨見。乞集百官。校其得失。詔從之。百官皆以爲然。乃行之。樂成而和。

二月。周導汴水入蔡水。

卽閔河。注見前。

以通陳潁之漕。

自是以西南爲閔河。東南爲蔡河。後又改曰惠民河。

周減行苗使所奏羨田。

開封府奏田稅舊一十萬二千餘頃。今按行得羨田四萬二千餘頃。敕減三萬八千頃。諸州使還奏所減之數。仿此。

周淮南饑。

淮南饑。周主命以米貸之。或曰：民貧恐不能償。周主曰：民吾子也。安有子倒懸而父不爲之解哉？安在責其必償也。

三月。周樞密使王朴卒。

朴剛銳明敏。志略過人。及卒。周主臨其喪。以玉鉞卓地。慟哭數四。不能自止。

夏四月。周主自將伐遼。五月。取瀛莫。易置雄霸州。遂趣幽州。有疾乃還。

周主以北鄙未復。下詔親征。命親軍都虞候韓通等將水陸軍先發。四月。通自滄州治水道。入遼境。柵于乾寧。

軍

唐置遼于軍。置寧州。明改曰青縣。今屬天津府。

南補壤防。開游口三十六。遂

通瀛莫車駕至滄州。即日帥步騎數萬直趣遼境。非道

所從。民間皆不之知。遼寧州刺史王洪舉城降。詔以韓

通爲陸路都部署。趙匡胤爲水路都部署。自御龍舟至

益津關。

後唐置。今霸州是。

遼守將終廷輝以城降。自是水路漸

隘。乃登陸而西。趙匡胤先至瓦橋關。遼守將姚內斌

平州人。

盧龍人。

莫州刺史劉楚信皆舉城降。五月朔。侍衛都指揮

使李重進等引兵繼至。遼瀛州刺史高彥暉

薊陽人。

舉

城降。于是關南悉平。宴諸將于行宮。議取幽州。諸將曰

陛下離京四十二日。兵不血刃。取燕南之地。此不世之

功也。今虜騎皆聚幽州之北。未宜深入。周主不悅。是日

趣先鋒都指揮使劉重進

幽州人。

先發。據固安。

順

縣。今屬天津府。

自至安陽水。在固安縣北。拒馬河支流也。命作橋。會日暮還宿瓦橋。

是夕不豫而止。孫行友拔易州。擒遼刺史李在。欽獻之。

斬于軍市。以瓦橋關爲雄州。今雄縣是。屬保定府。益津關爲霸州。

今屬順天府。命韓令坤、陳思讓。字後已。盧龍人。戍之。遂還大梁。

六月。河決原武。周發近縣民夫塞之。

唐泉州遣使入貢于周。不受。

唐清源節度使畱從效遣使人貢。請置進奏院于京師。

詔報之曰。江南近服。方務綏懷。卿久奉金陵。未可改圖。

若置邸上都。與彼抗衡。受而有之。罪在于朕。

唐城金陵。

唐遣鍾謨入貢于周。周主曰。江南亦治兵修守備乎。對

曰。旣臣事大國。不敢復爾。周主曰。不然。曷時則爲讐敵。今日則爲一家。吾與汝國大義已定。保無他虞。然人生難期。至于後世。則事不可知。歸語汝主。可及吾時完城郭。繕甲兵。據守要害。爲子孫計。謨歸以告唐主。乃城金陵。凡城郭不完者葺之。戍兵少者益之。

周主立其子宗訓爲梁王。

初。宰相屢請王諸皇子。周主曰。功臣之子。皆未加恩。而獨先朕子。能自安乎。至是不豫。乃封宗訓爲梁王。生七年矣。

周以魏仁浦同平章事。

周主欲相仁浦。議者以仁浦不由科第爲疑。周主曰。自

古用文武才略為輔佐者豈盡由科第邪乃以王溥范

質皆參知樞密院事仁浦同平章事樞密使如故

仁浦為人

謙謹周主性嚴急近職有忤旨者仁浦多引罪救之所全活什七八故雖起刀筆吏致位宰相

歸己以時人不

以為忝

周以趙匡胤為殿前都點檢

胡三省注後唐始置大內都點檢官至後周選驍勇之士

充殿前諸班置殿前都點檢在都指揮使之上

先是周主自關南還在道閱文書于篋中得木長三尺

餘題云點檢作天子時張永德為都點檢永德周懿親

永德妻周太祖女有功周主疑焉至是以匡胤代之

周主榮殂梁王宗訓立

是為周恭帝

周主大漸召范質等入受顧命謂曰王著

字成單父人

象藩邸

故人朕若不起當相之質等出相謂曰著終日遊醉鄉

豈堪爲相慎毋泄此言是日周主殂

諡睿武孝文皇帝廟號世宗梁

王宗訓卽位

世宗在藩多務翰晦及卽位破高平之寇人始服其英武其御軍號令嚴明人莫敢

犯攻城對敵矢石落其左右略不動容應機決策出人

意表又勤于爲治發姦摘伏聰察如神閒暇則召儒者

讀前史商摧大義性不好絲竹珍玩之物嘗言朕必不

因喜賞人因怒刑人又言太祖養成王峻王殷之惡致

君臣之分不終故羣臣有過則面質責之服則赦之有

功則厚賞之文武參用各盡其能人無不畏其明而懷

其惠故能破敵廣地所向無前然用法太嚴羣臣執事

小有不舉往往寘之極刑雖素有才幹聲名無所開宥

尋亦悔之末年寢寬登

遐之日遠邇哀慕焉

秋七月周以趙匡胤領歸德軍節度使

唐鑄大錢

唐自淮上用兵及割江北以事周歲時貢獻府藏空竭

錢少物貴。鍾謨請鑄大錢。一當五十。韓熙載請鑄鐵錢。唐主從謨計。鑄當十大錢。文曰永通泉貨。又鑄當二錢。

文曰唐國通寶。

九月唐太子冀卒。唐主以其子從嘉

字重光。唐主第六子。

爲吳王。居

東宮。殺禮部侍郎鍾謨。

謨數奉使入周。周世宗及唐主皆厚待之。恃此驕橫。嘗

與天威都虞候張巒屏人夜語。樞密副使唐鎬譖其有

異謀。又言大錢民多盜鑄。犯法者多。會太子冀卒。唐主

欲立鄭王從嘉。謨與紀公從善

字子師。唐主第七子。

善。言于唐主

曰。從嘉德輕志懦。又酷信釋氏。非人主才。從善果敢凝

重。宜爲嗣。唐主由是怒。徙從嘉爲吳王。居東宮。謨請令

張巒以所部兵巡徼都城。唐主乃下詔暴謨罪。流饒州。

貶巒宣州副使。未幾皆殺之。廢永通錢。

南漢殺其尙書右丞鍾允章。

番禺人。

以龔澄樞爲內太師。

南漢主鋹以允章藩府舊僚擢爲尙書右丞參政事。甚

委任之。允章請誅亂法者數人。以正綱紀。鋹不能從。宦

官聞而惡之。內侍監許彥真告允章欲作亂。玉清宮使

龔澄樞內侍監李托

封州人。

等共證之。乃收允章斬之。自

是宦官益橫。未幾以澄樞爲內太師。軍國之事皆取決

焉。

凡羣臣有才能及進士狀頭皆先下蠶室然後得進。亦有自宮以求進者。由是宦者近二萬人。貴顯用事。

之人。大抵皆宦者也。謂士人爲門外人。不得預事。卒以亡國。

唐以洪州爲南都。

宦官專橫。屏士人爲門外。乃此輩通病。至龔臣非下蠶室不得任用。則自昔所無。國事混淆。若此。不亡何待。彼時無恥之徒。竟甘心自宮。求進。更無復情理矣。

他日廣州敗降盛服數百
輦馬首就獲狐貉同盡一
即死且餘臭雖噬臍亦莫
及乎

唐以金陵去周境纔隔一水。洪州險固居上游。議徙都
之。羣臣皆不欲徙。惟樞密副使唐鎬勸之。乃以洪州爲
南都。命曰南昌府。

遼遣使如唐。周人殺之。

遼主遣其舅使于唐。周泰州團練使荆罕儒。冀州信都人。募

刺客使殺之。自是遼與唐絕。

庚周恭帝宗訓元年。宋太祖神德皇帝趙匡
申肩建隆元年。是歲周亡。宋代。凡五國三鎮。春正月。周殿

前都點檢趙匡胤稱皇帝。國號宋。廢周主宗訓爲鄭王。周

侍衛副都指揮使韓通死之。後周自太祖至恭
帝。凡三主。合九年。

先是周鎮定二州言北漢會遼兵入寇。至是正月辛丑

朔遣趙匡胤率兵禦之。殿前副都點檢慕容延釗。太原人。

陳橋兵變論者疑宋主贊

與其謀蓋彼時匡義以手

足之親趙普以腹心之寄

毅然部分復入帳中密白

使非微趙宋祖隱微豈至

若此且其受命而出因變

而返遽行禪代絕無愧辭

更足敗後人營議雖當時

朝不易位市不易肆其後

布武修文撥亂反正而其

得國之不以道又豈能曲

爲宋主贊

將前軍先發時主少國疑中外乃密有推戴匡胤之意

都下謹言將以出軍之日冊點檢爲天子士民恐怖爭

爲逃匿計惟內廷宴然不知癸卯大軍繼出軍校苗訓號知天文

見日下復有一日黑光摩盪者久之指示匡胤親吏楚昭輔曰此天命也苗訓河中人楚昭輔字拱辰宋州

宋城是夕次陳橋驛注見前將士相聚謀曰主上幼弱我

輩出死力破敵誰則知之不如先冊點檢爲天子然後

北征未晚也都押衙李處耘潞州上黨人具以事白匡胤弟

供奉官都知匡義即宋太宗及歸德掌書記趙普匡義普部

分都將環列待旦遣牙隊軍使郭延贊馳騎入京報殿

前都指揮使石守信開封浚儀人都虞候王審琦字仲寶洛陽人二

人皆素歸心匡胤者甲辰黎明將士偪匡胤寢所匡義

普入帳中白之。匡胤時被酒臥，欠身徐起，將校已露刃列廷曰：「諸將無主，願冊太尉爲皇帝。」匡胤未及對，黃袍已加身矣。眾卽羅拜呼萬歲，掖之上馬，還汴。匡胤攬轡曰：「汝等貪富貴，能從我命，則可。不然，我不能爲若主矣。」

皆下馬曰：「願受命。」匡胤曰：「太后主上，我北面事者，不得驚犯。」公卿皆我比肩，不得侵凌。朝市府庫，不得侵掠。用

命有重賞，違不汝貰也。皆應曰：「諾。」遂肅隊而行。乙巳，入

汴。先遣楚昭輔慰安家人，又遣客省使潘美字仲詢，見

執政諭意。時早朝未罷，聞變范質執王溥手曰：倉卒遣將吾輩之罪也。爪入溥手。

幾出血溥侍衛親軍副都指揮使韓通自禁中遑遽而

歸，謀帥眾禦之。軍校王彥昇字光烈，蜀人。徙洛陽。逐焉。通馳入其

第未及闔門。爲彥昇所害。妻子俱死。匡胤進登明德門。命甲士歸營。而自退居公署。將士擁范質等至。匡胤見之。流涕曰。吾受世宗厚恩。爲六軍所迫。一旦至此。慙負天地。將若之何。質等未及對。列校羅彥環并州太原人。挺劒厲聲曰。我輩無主。今日必得天子。質等相顧不知所爲。溥降階先拜。質不得已亦拜。遂請匡胤詣崇元殿。行禪代禮。召百官。至晡時班定。亦未有禪詔。翰林承旨陶穀出諸袖中。遂用之。宣徽使引匡胤就庭。北面拜受。已乃掖升殿。服袞冕。卽皇帝位。奉周主爲鄭王。符太后周世宗納符彥卿之女。爲后。后殂。復納其妹。卽太后也。爲周太后。遷之西宮。大赦。改元。

以所領歸德軍在宋州。國因號宋。遣使徧告郡國藩鎮。

加官進爵有差。未幾鎮州報北漢兵引還。華山處士陳搏間宋主代

周曰。天下自此定矣。

宋贈周韓通爲中書令。

宋主贈通以旌其忠。仍詔以禮葬之。欲加王彥昇擅殺之罪。羣臣以建國之始。乞貫之。宋主猶怒。故終身不得節鉞。

宋論翊戴功。加石守信等官爵。

石守信。高懷德。字藏用。周子。張令鐸。棣州厭次人。

王審琦。張光翰。

趙彥徽。竝領節鎮餘領軍者。竝進爵。時慕容延釗。握重兵。屯真定。韓令坤。

引兵巡北邊。宋主遣使諭意。許以便宜從事。兩人皆聽命。乃加延釗殿前都點檢。令坤亦加侍衛都指揮使。後延釗。令坤。皆出爲節度使。自是殿前都點檢遂不復除授。